

[Redacted block]
Wohnlandschaft 1978

Vierazwanzgsteckia Baukastnhaisä
mid schwindsichdia Zementgsichdä
glotzn aus faltnlosn Larvn
iebä alta kunstvolla Barockhaisä
und Haisä in Jugndstil
weit naus ins Land.

In ihrn Schattn duckn si ängstli
alta Kercherstirm
die blos nu bein Glocknleidn
dro erinnern
daß do sin.

Die Leit die do wohna
kimmern si net umanändä
sie kenna si net
sie redn net
und sie sehng si aa net
außer in Aufzuch.
Wenn do aan vo ihna
hintä seina Tier woß basierd
merkns die andern erschd
wennä durchs Schlisslloch rausstinkt.